

□ سر وفاة الحلواني □

وهجموا هجمة عنترية على دور ة وضربوا كل نزلائه علقه ساخنة
سالت فيها الدماء وتقطعت فيها الأنفاس. وعندما جاء الشاويش
الحلواني بعد انتهاء المعركة كان التعب قد نال منه .

وراح يلتقط أنفاسه بصعوبة . وقلت للشاويش الحلواني .
— كان لازمته إيه ضرب كل الناس اللي في دور ة ، كويس اللي
حصلك ده ؟

— أمال كنت عاوزني أعمل إيه ؟

— كان كفاية تضرب الواد اللي معاه النصل وخلص .

— بقى دا كلام ده .. أنا لما يقرصني دبور ، أروح أموت الدبور
اللي قرصني ، وألاً أهد العش كله ؟

— لكن دول ناس يا شاويش حلواني مش دبابير .

— تصدق باللي خلك ، دول أوسخ من العقارب والتعابين ..

تعرف أنا نفسى في إيه ؟ يعملوا سجن في الجبل ويعملوني شاويش ع
السجن كله . ويرطوا جميع المساجين على هناك ، إذا خلّيت حد منهم
يشوف الأسفلت تانى أبقى تف عتّى ، خلّى البلد تفوق وتشم نفسها

تانى ، لكن مين يسمع ومين يقرأ ؟

بعد أسابيع جاء العيد ، وفي صبيحة أول أيامه جاء البيه المأمور

ومعه السوكيل وبعض الضباط ، ودخل العنبر ، واهتزت جدران

السجن من صرخة الشاويش .. انتباه ! وكان المأمور والهيئة كلها تمر

على الزنازين ، وتصور الشاويش الحلواني أن حدثاً خطيراً قد وقع في

العنبر ولكنه فوجيء بالمأمور يصافح المساجين ويهنيئهم بالعيد

ويتمنى لهم عيداً سعيداً خارج الأسوار في العام القادم .. ثم فوجيء

بالمأمور يوزع علب الكحك على المساجين من باب الترفيه ، ولم يتحمل

الشاويش الحلواني الصدمة فانسحب من الموكب ووقف عند الباب

ينفخ من شدة الضيق ، ويردد في صوت مسموع .. عشنا وشفنا .. لا